

H E L E N I C H I  
poris perditur est. Ego vero praefatus omnibus desiturus, quibus ab Augustissimo Imperatore CAROLO VI. fovebar, animo prorsus cecideram, ac de opere ad umbilicum, ut ajunt, deducendo omnino desperabam; at a Deo sufficere sunt vires ad hoc & alia plura, quae in vulgus emisi, nova item emissurus, ne oris inertis vilescam. Neque refutis animus licet afflitus jatura, quam intra hunc annum sum passus, e vita sublatis carissimis, atque doctissimis tribus amicis Muratorio nempe, de quo supra dixi, Apostolo Zeno, & Josepho Antonio Saxio Literariae Reipublicæ novissimis, quorum monitis, atque auxilio in pluribus juvabar.

Sed jam pro more nostro ultimi hujus Tomi notitiam exhibeamus. Inscriptus is est Sacro & Clarissimo nomine Emi Archiepiscopi nostri S.R.E. CARDINALIS JOSEPHI PUTEOBONELLI, cui non tam profana, quam sacra historia in pretio semper adeo fuit, ut cum ad supremum honoris apicem apud nostrates ascenderit, nihil ei antiquius fuerit, quam vetera omnia Ritus Ambrosiani monumenta undequaque colligere, ut Ecclesiae Mediolanensis praestantissimum decus apud Nationes omnes aliquando propagare, ac temporis edacitati, quae plura corruptit, pretiosissima Ecclesiae ipsana subtrahere posset, ac immortalitati tradere.

Auctorum omnium, qui continentur in hoc novissimo Tomo, Epistolæ huic adnectimus Catalogum, atque hoc unum præmonemus, absoluuisse nos a Præfationibus, quas Clariss. Muratorius, se ei vitam in hanc usque diem trahere licuisset, singulis, quos addidimus, Auctoriis fortassis præfuerit, ut aliis, qui nunc eduntur, proposuit; nam recentioribus Scriptoribus per se optimè notis nihil præmittendum esse duximus, ne scribendi affectatam occasionem accipere voluissent, & simiam agere cum tanto Viro simile argumentum pertractantes.

Ultimum Epistolæ hujus argumentum sibi vindicat publica gratiarum actio, quas Deo Opt. Max. reddere debeo ob vires tam longo labore sufficitas, ex quo studiorum tuorum commodo bene consultum est, frustra resistentibus infortuniis, quae si conditionem domesticarum rerum durissimam induxerunt, animum prosternere minimè potuerunt, quin interim alia bene multa in vulgus emittentem, Signianam scilicet editionem, Bibliothecam Scriptorum Mediolanensem, Rei Monetariae Collectionem, ac Poëtarum Latinorum versionem; quique sub prælo est, brevi publici juris faciens Catalogus, seu Bibliotheca Auctorum omnium, qui ex Hebreæ, Arabica, Persica, Turcica, Græca, Latinaque linguis libros in Italicas nostras verterunt, addita singulis articulis vel historica, vel critica animadversione. Quod si Deus dies vitae prorogaverit, extremum etiam laborem designavi, novam operum celebratissimi Panvinii editionem concinnaturus, cui parandæ tantam MSS. ejus copiam habēre habui, annuento potissimum Beatisimo Pontifice nostro BENE-DICTO XIV. bonarum Literarum, ac Literarum hominum Patre amantissimo, ut fateri debeas diligentiam nostram neminem unquam superaturum fuisse, ac me Itale hominis officio bene fuisse. Utinam & hoc etiam animadverterent, quibus datum est de similibus cogitare, industrias hanc meam non solum decoris, verum & utilitatis in Republikam, ipsiusque Regium Ararium ex tam nobili mercimonio plurimum inferre, quod Augustissimus olim Princeps CAROLUS VI., ejusque selectissimi Consiliarii præ oculis habuerunt, cum aliquo largitionum Imperialium solatio fessam labore vitam honestarunt; neque spes aruit, quin reparatis publicis detrimentis de infelici, statu quoque homine sit aliquando cogitandum. Tu interea, Lector humanissime, favore tuo animum nostrum recrea, & Vale.

Dabam Mediolani XII. Calend. Julias MDCCLI.

ELEN.